

- 1488 Si sprach: 'welt ir mir dienen, ritter ûz erkorn, 650
sô sult ir uns vervâhen daz vûr deheinen zorn.
nich bitent vlizieliche hie die schônen meide,
daz man Hartmuoten von Waten dem alten ûz dem strite scheidet.'
- 1489 'Daz sol ich gerne leisten, vil liebîn vrouwe mîn.' 651
lûte ruoft dô Herwic zuo den recken sîn:
'nû sult ir mîniu zeichen ze Waten vanen bringen.'
dô sach man Herwigen unde al die sine sêre dringen.
- 1490 Ein herter vrouwen dienest wart von im getân. 652
Herwic ruoft dô lûte den alten Waten an.
er sprach: 'Wate, lieber vriunt, gunnet, daz man scheidet
disen strit vil swinden: des bitent iuch die minnicliche meide.'
- 1491 Wate sprach mit zorne: 'her Herwic, nu gêt hin! 653
solt ich vrouwen volgen, war tete ich minen sin?
solte ich sparn die vînde? daz tete ich ûf mich selben.
des volge ich in nimmer. Hartmuot muoz siner vrevele engelden.'
- 1492 Durch Kâdrûnen liebe zuo in beiden spranc 654
Herwic der klêne. der swerte vil erklanc.
Wate was erzûrnet: er kunde daz wol leiden,
daz in strite nieman in von sînen vînden torste scheiden.
- 1493 Dô sluoc er Herwigen einen tiuren slac, 655
der dâ wolte scheiden, daz er vor im lac.
dô sprungen sine recken und hulfen im von dannen.
genommen wart dô Hartmuot vor Herwige und vor allen sînen mannen.
- 1494 Wate tobete sêre. dô gienc er vûr den sal 656
gegen der porten hôher. manegen enden schal
hôrte man von weinen und von swerte klingen.
Hartmuot was gefangen. dô muoste ouch sînen helden misselingen.
- 1496 Swie dicke man si schiede von der bûrge dan 657
mit wûrfen und mit schûzzen, Wate doch gewan
die bure mit grimmen stûrmen. sît wurden ûf gehouwen
die rigele ûz der mûre. daz beweinten dô die schônen vrouwen.
- 1497 Hôrant von Tenemarke daz Hilden zeichen truoc. 658
im volgten vil der recken (der hete er dâ genuoc)
vûr einen palas witen ûf den turn allerbesten,
den die Hegelinge indert dâ in der bûrge westen.
- 1499 Dô wart ûf gehouwen vil manegez richez gadem. 659
dô hôrte man dar inne vil ungevûlegen kradem.
joch wâren die geste niht in einem muote.
genouge sluogen wunden, die andern wurben vaste nâch dem guote.
- 1504 Bluot in manegem ende ûz den gademen vlôz. 660
ir vriunde, die daz sâhen, wie sêre sis verdrôz!

1488, 2 ihr sollt es uns nicht als eine Beleidigung anrechnen, übel nehmen.
— 1489, 1 sol, werde. — 1491, 3 ûf mich selbst, zu meinem Schaden. — 1492,
1 durch, studrun zuliebe. — 3 leiden, leid machen, erleiden — kunde, verstand.
— 4 nieman, jemand. — 1493, 2 daz der etc., daß der, welcher den Streit trennen
wollte, am Boden lag. — 4 genommen, gefangen. — vor, vor ihren Augen, ohne
daß sie es hindern konnten. — 1496, 1 wie oft man sie zurückdrängte. — 1499, 3 in
einem muote, gleiches Sinnes.